

երեւալ գրով վկայիցն և գտեալ զնոսա ի Զրարաշխն կոչեցեալ լերինն, և հարց և փորձ արարեալ զնոսա, վասն ի Քրիստոս հաւատոցն, սուր ի վերայ եղեալ կոտորէ, և լեառն յայնմ հեռէ յանուն Սուքիանոսի գլխաւորի սրբոյն Սուկաւ անուանի»:

Մի այլ հատուածի մէջ կերևի որ Ոսկեանք Սուքիասանց քարոզած են, վերջիններս հետեւած են իւրեանց վարդապետաց և ծաղկանց լեռներու մէջ մկրտուած ի նոցանէ:

«Եւ ի դառնալ Ոսկեանց . . . չորքան ընդ նոսա և հաւատացեալ Ալանքն որք եօթն և տասն և մկրտեցան . . . Եւ գլխաւոր նոցա՝ որ կոչիւր Բահանդրաս անուանեցաւ Սուքիաս . . . »:

Հետեւեալ հատուածէն ևս կերևի որ Ոսկեանց նահատակուելէն յետոյ Սուքիասանք խոյս տուած են անարգ և անձանօթ վայր մի բնակիլ, ընտրած են Սուկաւէտի հարաւ արևելեան կողմ՝ մի խուլ անկիւն ճանապարհից դուրս<sup>1</sup>: Այս հատուածի մէջ «Մի ոմն . . . Սկուհէր . . . ազգ արար վասն նոցա թէ ուր իցեն» խօսքերն կը համաձայնին ժողովրդեան մէջ «կուսանք մատնող Սաստուրցիք» ասուած առածին:

«Եւ ապա ցանկանալով նոցա առաւել յանարգ տեղւոջ և անձանօթ վայրս բնակել՝ գնացին ի Զրարաշխ լեառն՝ որ և կոչեցաւ Սուկաւ կամ Սուկաւէտ ի Բագրևանդ գաւառի . . . և ի խնդրել զնոսա թագաւորին, մի ոմն ի նախարարացն Սկուհէր անուն ազգ արար վասն նոցա թէ ուր իցեն, և զինչ պաշտեն»:

«Հարին զպարանոցս նոցին ի վերայ փիմի, և ընկեցին ի խորափիտ մի . . . ի տեղւոջ անդ բղխեաց աղբիւր ջուրց . . . »:

1. Բագրևանդայ մասին որչափ որ պատմագիտներու մէջ տեսած են, աւելի ուղիւ գտած են քան ներկայ դարու վերջին քառորդին մէջ տեսնուած նկարագրութիւններն: